

Партийн зерглэн өсдөж батрлгын мана районд

Экц партийн организац — партин девснэгнь болджана. Тиигэд, колхозмудин, совхозмудин, МТС-н, предприятсын болн учрежденьсин экц партийн организац саянар көдлмшан кехлэ, цуг района партийн организацин күцвэрнь делгү болх зөвтэ. Энүг тоолад, КПСС-н Приютненск райком экц партийн организациг гардлгын ясрулхд, теднлэ бат залгылдата баадж, эдниг түшдж көдлмшан кехд ик оньган тасрхан угагьар өгч баанэ.

Партийн зерглэг өсдөж батрлгын — эрки нег төр. Мана Коммунистическ парть олн-амтн дунд агьу ик өлмэтэ. Партийн зерглэн көдлмшчнр, колхозникуд болн интеллигенц улсас тасрлтан угагьар шин улс орулдж авад өсэд йовдг мөн. Болв партин зерглэнэ өслтиг халэдж, йилгьвртэ кевэр кехми гидж ЦК-н өгдг зааврар бидн өдр болгын көдлмштэн гардвр авч, партыд экц партийн организац производствд көдлдж йовх, көдлмштэн сэн, өмн нүүрт йовцхах хөбчнр, үкрчнр, саальчнр, тракторист, комбайнер улсас онц-онцднь халэдж, партийн кергт йоста уин-гол седклэн тавцхэсн улсиг орулдж авлгь тетгхд килмджан тусханавдн.

Района партийн комитетин бюро партин зерглэн өсдөж батрхин туск төриг даран-даранднь тавдж, күүндвр келж, экц партийн организацсин эн халхар кедж йовх көдлмшинь гүүнэр киндж шүүнэ, хаджгьринь чиклэд, заавран өгнэ. Иим көдлмшин ашднь района партийн организацин тонь производствд көдлдж, эврэннь күч-көлсэрн мана орн-нутгин зөбриг элвджүлдж йовх улсас орулдж авч өсдөж баанэ. Малчнр болн механизатормуд улсин дунд коммунист улсин тонь олн болад йовна.

Эн жилин 7 сарин эргцд

района партийн организацин зерглэнд КПСС-н кандидат шинэс 21 күн орулдж авгдв. Эдн — сэн производственникүд. Эдн дунд 9 көдлмшчнр, хөбчнр болн малчнр — 5, селэнэ эдл-ахун специалистнр болн үүлд церглэчнр — 7 күн. Күүкд улснь — 2 күн. Бас эн цагин эргцд кандидатас КПСС-н членд 5 күн орулдж авгдв — 2 көдлмшч, нег колхозник болн 2 специалист улс.

Партийн зерглэнд шинэс орчхаси улс колхозмудин, совхозмудин, МТС-н производственн зурагьинь күцэлгэнд шумгьагьар орлцдж, партийн биш улст сэн үлгүр үзүлдж йовцхана. Хаврин тэрэ тэрлгьнэ, буудэ хурадж авч государствд орулдж өглгьнэ, өвс хадлгьна көдлмшт тернь йилгьү саянар үзгдв. Коммунист нершидр зүүсн, Приютненск МТС-н бригадир үр Л. Ф. Винников, бригадарн хаврар 5780 га газр хагьлв, 4 өдрин дотр 405 га газрт тэрэ тэрдж дуусв, 1108 гектар газрас 10 өдрин эргцд тэрэ хадж, хурадж авб, 1246 гектар газрин өвсинь хадж төгсэв. Энүнэ бригад 3371 кг горюч хоршадж арвддж авсн баанэ.

КПСС-н чледиин кандидате, эн МТС-н тракторн 10-ч болн 3-ч бригадсин бригадирмүд үүрмүд М. Ф. Савченко болн Ф. Ф. Федоров эн джилэ производственн зурагьан күцэлгьэрн бас өмн нүүрт йовцхана. Үзмджтэ саянар тэрэ тэрлгьэн болн хурадж авлгьан, өвс хадлгьан эдн кецхэв. Ода эднэ бригаде мал үвлзх газрур өвс зөбдженэ, газр хагьлдж, намрин тэрэ тэрлгьнд белдвр кедж йовцхана.

Приютненск МТС-н трактористнр дунд КПСС-н кандидат үр П. И. Ленков көдлмшин сэн үлгүр үзүлдж йовна. „ДТ-54“ тракторар эн 668 га газр хагьлв, 232 гектар тэрэ

хадж унгьав, 90 га эрдн-шишэ квадратн-гнездовой кевэр тэрв.

Эн МТС-н партийн организацин зерглэнд шинэс 6 күн орулдж авгдв. Тиигэд ода коммунистрин тонь өссэр, МТС-д партийн бюро сунгьгдв.

Партийн зерглэнд шинэс тоомсрта, көдлмшэрн уралгь улс орулдж авлгьна тускар 4-ч совхозин эклцин партийн организац бас му бишэр көдлджанэ. 7 сарин дотр энүнд 6 күн партыд авгдв. Эдн дотр: комбайнермүд М. С. Беликов, С. Н. Тулин, тосхач Э. Г. Данилов болн нань чигн улс. Эдн цугтан өмн нүүрт йовдж, зурагьан тасрлтан угагьар давулдж күцэцхэдг, совхозин көдлмшчрин зерглэнд бат зэ авцхасн баанэ.

Района партийн организац производствд көдлдж йовцхах улсас нургьлдж өсдөж йовхин төлэд олн күч-көлсчнр дунд өльмань өсэд, батрад көдлмшин йовудт ик тусан күргдж баанэ. Коммунистнр улсар түшг авад района партийн организац малд үвлин хот белдлгьнэ халхар сэн диилвр күцв. Мана район дамдждж өггдг таньгьчин Улан туг, өвс хадлгьна көдлмшэрн хойр дакдж авб. Таньгьчд түүрүн болдж буудэ государствд орулдж өглгьнэ, ноос белдлгьнэ зурагьан күцэсн райодин негнь бас мана район.

Партийн зерглэнэ өслтиг улм ясрулх төр мана өмнэс төрүц хөбгьдж баахш. Экц партийн организацсин сеглэтрмүдиг цуглулад семинар кегьэл, эн халхин көдлмшин сэн дамшт тарханавдн, партийн-политическ көдлмшиг цааранднь ясрулхин тускар заавр өгднэ.

Ф. БОГОСЛОВСКИЙ,

КПСС-н Приютненск райкомин орготделин заведующ.